



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

X. Bischof Heinrich von Havelberg schenkt dem Kloster Dobbertin gewisse Zehnthebungen im Lande Turne, im Jahre 1257.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

los, quibus hereditatem diuisit et illi mortui fuerint antequam contraxerint matrimonium, dimidia pars hereditatis illorum reuertetur ad parentem et altera pars cedit proximis in linea consanguinitatis. Item si duo fuerint legitime sociati et plaga mortis interuenerit prima nocte copule ipsorum, dimidia pars hereditatis cedit heredibus utrorumque. Item si duo legitime sociati moriantur absque paruulis, hereditas ipsorum redit ad utrumque parentem. Consulibus etiam ciuitatis hanc indulgentiam potestatem, ut si pistor excedit tres solidos persoluat in Vadio. Qui excedit in refectione pontis tres solidos persoluat. Item nullus civis de Prizwalk debet occupari vel detineri in aliqua ciuitate Marchie, nisi primo fuerit accusatus coram suo iudice. Item si seruus pro pretio in seruitio domini sui perdit vitam suam, dominus non tenetur de morte ipsius, nisi ut persoluat ipsi pretium. Nec seruus aliquis per litigium vel per ludum, equum vel cetera bona domini sui perdere vel vendere potest. Item si quis ciuium dicte ciuitatis accomodauerit bona sua homini cuiusque, debitor tenetur ipsi respondere in ciuitate, exceptis nostris Ministerialibus, militibus atque seruis. Item si aliquis pro crimine sibi imposito in ciuitate Prizwalk in vinculis detineatur, nemo ipsum per violentiam excipiet, sine voluntate ciuitatis, nisi sit dominus terre. Si aliquis advena moritur absque heredibus, ciuitas debet bona sua conseruare per diem et annum, et si nemo uenerit requirens bona tempore intermedio, bona ipsius tradantur potestati. Item quicquid edificatur in ciuitate Prizwalk ad usum ciuitatis, ciuitas debet uti ex ipso edificio quantum potest sine damno et detrimento nostri census. Nec aliquis incidet pannum in dicta ciuitate sine consensu fraternitatis mercatorum. In communi censu quatuor denarios queuis area dabit. Item si aliquis ciuis de ciuitate Prizwalk querimoniam fecerit de suo concine extra ciuitatem Prizwalk, nisi ipsum primo accusauerit coram iudice suo, persoluat vadium potestati et ciuitati suum vadium. Ne autem super his cauillosa possit in posterum rimula inueniri, presens scriptum nostrorum sigillorum appensionibus duximus roborandum, Testes fideles et idoneos adhibentes, quorum nomina sunt hec: Johannes Gans de perlebergh, Albertus de Redekesdorf, Albertus de Wanighe, Wernerus de Arneborgh, Hubertus (al. Herbetus) de Vchtenhagen, Ulricus de Cruche *), Bertramus de Bnens**), Conradus de Osterborgh, et alii quam plures. Datum Sandow Anno domini M^o. CC^o. LVI^o, decimo kal. Augusti, per manum Henrici curie nostre notarii, Johanne existente Notario curie nostre.

Aus dem Gundlingschen Codex abgedruckt in Gercken's Fragm. March. III, 12 und nach einer richtigern Abschrift des Originals in Beckmann's Besch. der Churm. V, II, III, Sp. 130.

X. Bischof Heinrich von Havelberg schenkt dem Kloster Dobbertin gewisse Zehnthebungen im Lande Turne, im Jahre 1257.

Henricus, dei gratia Havelbergensis Episcopus, omnibus presens scriptum inspecturis in perpetuum. Cum exigente dignitate pastoralis officii teneamur, loca religiosa piis assensibus et omnium commodorum subleuationibus conseruare, Nos venerabilis viri prepositi Volradi in Dobbertyn et sui conuentus deuotis precibus inclinati possessiones decimarum in terra Turne, in villa videlicet Loziz super XL. mansis et in Verlinge super XXX. et in Swerz super XXX. et in Cetine

*) Gercken hat Crocher, Beckmann Cruche — wahrscheinlich ist Ulrich von Krüge gemeint.

**) Gercken Briefen, aber wohl fehlerhaft.

super XX. pio donamus affectu, accedente ad hec plena voluntate Capituli nostri pariter et consensu. Et ut hec donatio firmiter appareat et subsistat, hanc paginam sigilli nostri et capituli nostri munimine roboramus. Datum Havelberg, anno gracie MCCLVII. XV. kl. Febr., Pontificatus nostri anno XII.

Vgl. Rudloff, Cod. dipl. hist. Megalop. I, 42. 43.

XI. Des Grafen Heinrich von Dannenberg dem Grafen Helmold zu Schwerin erteilte Erklärung über den Besitz der Burgen Grabow und Merniz, vom Jahre 1275.

Nos Hinricus, dei gracia comes de Dannenberge, omnibus presentes litteras inspecturis cupimus esse notum, quod nos cum Nobili viro domino helmoldo, comite zwerinensi, dilecto consanguineo nostro, convenimus et placitavimus in hunc modum. Nos siquidem municionem nostram in Merniz et omnia bona nostra, sita in ipsa villa, tam libera et in pheodata, exposuimus iam dicto comiti Helmoldo pro quinquaginta et sex marcis puri argenti, hac interpolata condicione, quando nos rehabuerimus ciuitatem et castrum in Grabowe et hereditatem nostram, tunc, si eidem Comiti perfoluerimus pecuniam memoratam, nobis representare debet predictam municionem nostram cum ipsis bonis. Si vero contingeret nos non posse rehabere nostram hereditatem iam predictam et municionem in Grabowe, tunc memoratus comes Helmoldus statuere debet duos de suis hominibus, et nos totidem quoscumque voluerimus statuemus, qui taxare debent valorem ipsius municionis et bonorum in Merniz et secundum eorundem estimationem eadem perfoluere repromisit, ita ut deinceps in sua maneat potestate, quos et nos resignabimus ad manus suas cum de sua fuerit voluntate. Nos etiam super prehabitis placitis de ipsa municione Merniz iam dictum comitem Helmoldum et suos compromissores ab omni promisso dimisimus liberos et solutos et litteras suas super eisdem placitis eidem promissimus representare. Super hac memorata pecunia et placitis prelibatis nobis et Johanni de molen-dino ad manus nostras Idem Comes Helmoldus promisit fide data et promiserunt cum ipso Richardus, canonicus Zwerinensis, Dominus Johannes Man et Dominus Gargeviz, fidei sponsione ita, quod si defectus aliquis fuerit in premissis, pro ipso intrabunt Zwerin non exituri, nisi de nostra fuerit voluntate. Nos etiam iam predictis domino Johanni Man et domino Gargeviz ad manus sepedicti comitis de Zwerin memoratam municionem et bona premissa in Merniz iure porreximus pheodali in forma prescripta. Ut autem factum nostrum et ordinacio premissa stabilis perseveret, presentes litteras nostras in testimonium conferri iussimus et sigilli nostri robore communiri. Datum in Zwerin, anno gracie M^o. CCLXXV^o. sexto ydus Marcy.

Nach dem im Großh. Mecklenb. Geh. u. Haupt-Archive zu Schwerin befindlichen Originale.

XII. Die Markgrafen Otto und Albrecht von Brandenburg kaufen dem Grafen Helmold von Schwerin das Obereigenthum über die Lehen der Edlen Herrn zu Puttitz ab, im Jahre 1275.

Nos Otto et Albertus, dei gracia marchiones Brandeburgenses, recognoscimus et tenore presencium publice protestamur, quod mediantibus aunculis nostris karissimis Alberto et Johanne de Brunswic ducibus, inter nos ex vna et Helmoldum comitem Zwerinensem ta-